



Hjalparstarf
kirkjunnar
actalliance

Starfsskýrsla **2017-2018**

Sjálfbær þróun fyrir almenna farsæld

Ójöfnuður innan og milli samfélaga, loftslagsbreytingar, vatnsskortur, fæðuóöryggi, vannæring, ófriður og vaxandi fjöldi flóttafólks í heiminum kalla á kröftugar aðgerðir stjórnvalda og alls almennings svo heimsmarkmið Sameinuðu þjóðanna um sjálfbæra þróun náist fyrir árið 2030. Hjálparstarf kirkjunnar leggur sitt af mörkum til þess að markmiðin um að útrýma fátækt, græða og vernda jörðina og tryggja öllum mannréttindi náist á tilsettum tíma.

Á Íslandi veitir Hjálparstarf kirkjunnar fólki sem býr við fátækt efnislega aðstoð og félagslega ráðgjöf ásamt því að tala máli þeirra sem búa við efnislegan skort svo samfélagið taki tillit til þarfa þeirra og réttinda og að gripið verði til aðgerða sem breyta lífsmöguleikum þeirra til hins betra. Hjálparstarf kirkjunnar starfar með prestum, félagsþjónustu sveitarfélaga, öðrum mannúðarsamtökum, stofnunum og ráðuneytum að úrlausn

verkefna en ekkert er skipulagt án þess að notendur þjónustunnar séu hafðir með í ráðum.

Í þróunarsamvinnu starfar Hjálparstarf kirkjunnar með staðbundnum hjálparsamtökum og Hjálparstarfi Lútherska heims-sambandsins, LWF/DWS. Unnið er með heimamönnum á hverjum stað sem þekkja vandann af eigin raun og menninguna, venjur og tungumál. Mannúðaraðstoð veitir Hjálparstarf kirkjunnar í samstarfi við Alþjóðlegt hjálparstarf kirkna, ACT Alliance, í kjölfar náttúruhamfara og vegna vopnaðra átaka en öll aðstoð er veitt án skilyrða og aðgreiningar og fer fram eftir alþjóðlegum stöðlum um mannúðaraðstoð og ströngum siðareglum.

Um starf Hjálparstarfs kirkjunnar frá júlí 2017 – júní 2018 er fjallað hér í skýrslunni en nánar um hvert verkefni fyrir sig má lesa í netskýrslu á heimasíðu Hjálparstarfs kirkjunnar www.help.is.

HEIMSMARKMIÐIN Markmið Sameinuðu þjóðanna um sjálfbæra þróun



Hjálparstarf kirkjunnar

- Er óháð og sjálfstæð sjálfseignarstofnun stofnuð af þjóðkirkju Íslands árið 1970
- Faglegt mat á þörf liggur til grundvallar verkefnum innanlands og utan
- Öll aðstoð er veitt án tillits til trúar, þjóðernis, litarháttar, kynferðis eða skoðana þeirra sem á henni þurfa að halda

Verkefnasvæði starfsárið 2017-2018







Mannúðaraðstoð

Hjálparstarf kirkjunnar veitir mannúðaraðstoð í samstarfi við Alþjóðlegt hjálparstarf kirkna, ACT Alliance, sem sameinar krafta 146 kirkjutengdra hjálparstofnana í yfir 100 löndum. Mannúðaraðstoð í kjölfar náttúruhamfara og vegna vopnaðra átaka er veitt án skilyrða og aðgreiningar og fer fram eftir alþjóðlegum stöðlum um faglega mannúðaraðstoð og ströngum siðareglum.

Meginmarkmið með mannúðaraðstoðinni er að óbreyttir borgarar njóti verndar gegn stríðsátökum, mannlífum sé bjargað með því að mæta grunnþörfum fólks, heilsufar fólks hafi batnað og velferð þess aukist og að viðnámsþróttur samfélaga og geta til að lifa af hamfarir aukist.

Á starfsárinu 2017–2018 aðstoðaði Hjálparstarf kirkjunnar flóttafólk frá Sýrlandi í Jórdaníu sem og fólkið sem býr við kröppustu kjörin í móttökusveitarfélögum þar. Fólkið fékk húsbúnað og aðstoð við að koma sér fyrir ásamt stuðningi við að afla sér lífsviðurværis með starfsnámi og greiðslu fyrir vinnuframlag. Skólagjöld voru greidd fyrir börn og unglinga og konur fengu þjálfun og aðstoð við að koma sér upp verslun með smáiðnað. Börnum og unglingum var veittur sálrænn stuðningur og sálfélagsleg þjónusta veitt konum með því að bjóða þeim að taka þátt í skipulögðum íþróttum.

Hjálparstarf kirkjunnar aðstoðaði einnig sjálfsþurftarþændur vegna þurrka og flóða og fólk á vergangi vegna átaka í Örómía- og Sómalífylkjum í Eþíópíu. Sérstaklega var leitast við að aðstoða börn og mæður með börn á brjósti sem og fólk með fötlun eða sjúkdóma með því að tryggja þeim aðgengi að hreinu vatni, auka fæðuval og bæta hreinlætisaðstöðu. Fólkið fékk kindur og geitur og korn til sáningar, fatnað, búsáhöld og verkfæri. Sálrænn stuðningur var veittur fólki sem flúið hafði heimkynni sín vegna átaka.

Þá gekk Hjálparstarf kirkjunnar til liðs við skákfélagið Hrók um að safna fyrir aðstoð við íbúa á vesturströnd Grænlands þar sem miklar náttúruhamfarir urðu í júní 2017. Velferðarsjóðurinn *Vinátta í verki* var stofnaður á starfsárinu til að útdella söfnunarfénu svo það nýtist börnum og ungmennum á svæðinu sem best.





Grunnurinn tryggður

Stærsta verkefni Hjálparstarfs kirkjunnar í þróunarsamvinnu er með sárafatæku fólki í Sómalífylki í Eþíópíu. Meginmarkmið þess eru að bæta aðgengi að drygghæfu vatni, að fólkið geti bætt fæðuöryggi sitt með bættum aðferðum í landbúnaði og að styrkja stöðu kvenna, samfélaginu öllu til farsældar.

Brunnar eru grafnir og þar sem það er ekki mögulegt eru grafnar vatnsprær fyrir regnvatn. Nýjar og þurrkþolnar korntegundir eru kynntar til sögunnar sem og skilvirkari ræktunaraðferðir og endurbætt verkfæri. Þá eru dýraliðar þjálfaðir í að bólusetja búfé. Verkefnið hefur verið framkvæmt í samstarfi við Lútherska heimssambandið í Eþíópíu með dyggum stuðningi frá einstaklingum og utanríkisráðuneytinu frá árinu 2007 eða í rúm tíu ár.

Hjálparstarf kirkjunnar starfar einnig í þágu HIVsmiðra, alnæmissjúkra, aðstandenda þeirra og eftirlifenda í héruðunum Rakai og Lyantonde í Úganda en þar hefur nýsmíð HIV verið tíðara en annars staðar í landinu. Aðstoðin er veitt í samstarfi við samtökin Rakai Community Based AIDS Organization (RACOB AO) en skjólstaðingar eru fyrst og fremst börn sem misst hafa foreldra sína úr alnæmi og búa ein sem og HIVsmiðar einstæðir foreldrar og ömmur sem hafa börn á framfæri og búa við sára fátækt.

Lífsskilyrði fólksins eru bætt með því að reisa íbúðarhús, eldaskála og kamra. Fólkið sækir fræðslu um samband hreinlætis og smíðhættu og hvernig bæta má hreinlætis- aðstöðu. Aðgengi að hreinu vatni er aukið til muna með því að reisa rigningarvatns-söfnunartanka við hlið íbúðarhúsanna og með viðhaldi á brunnum í héruðunum. Fólkið fær svo geitur og hænur til að auka fæðuval og möguleika á tekjuöflun.





Hjálp til sjálfshjálpar

Sómalí fylki er eitt af fjórum fátækustu fylkjum í Eþíópíu sem er meðal fátækustu ríkja heims. Fylkið þekur 144 þúsund ferkílómetra og þar búa yfir 5 milljónir sjálfsþurftar-bænda og hálfhírðingja. Grunnstöðirnar í samfélaginu eru veikar og tíðir þurrkar valda þar viðvarandi matarskort og vannæringu.

Búfjárrækt með kameldýr, kindur, geitur og nautgripi er undirstöðuatvinnugrein í fylkinu. Þar sem skilyrði eru til er einnig ræktað maís, hirsí, hveíti og bygg. Vatns-skortur hefur hins vegar leitt til lélegs ástands bústofnsins en dýralæknþjónusta er af skornum skammti. Skortur hefur verið á tækjum og tólum og það hefur takmarkað ræktunaraðferðir í jarðrækt. Fæðuöryggi íbúanna hefur því almennt verið mjög takmarkað.

Á undanförunum áratug hefur aðstoð Hjálparstarfs kirkjunnar náð til meira en 130.000 íbúa í fylkinu. Með aðstoðinni hafa aðstæður fólksins batnað svo um munar. Styttra er í hreint vatn, fæða fólks er fjölbreyttari og næringarríkari og búfé er heilbrigðara. Bændur sem hafa hlotið fræðslu og þjálfun í nútímaræktunaraðferðum, betri verk-færi og dráttardýr hafa þrefaldað framleiðsluna á landskika sínum í kjölfarið. Áður plægðu þeir með haka eða biðu þess að get leigt uxa af öðrum og þá var tími þeirra til að plægja af skornum skammti.

Eftir tíu ára starf í Jijigahéraði var ákveðið að færa aðstöðina yfir til nágrennahér-aðsins Kebre Beyah þar sem bændaþöfnun munu taka þátt í verkefni Hjálparstarfs kirkjunnar um fæðuöryggi og valdeflingu kvenna til ársins 2020 að minnsta kosti. Meginmarkmið með samstarfi við íbúa á nýjum stað eru sjálfbærni, minni jarð-vegseyðing og betri vatnsbúskapur, bætt heilsufar með auknu aðgengi að hreinu vatni og hreinlætisaðstöðu og aukin velferð í samfélaginu með auknu jafnrétti kyn-anna.





Valdefling kvenna

Í Sómalífylki í Eþíópíu er jafnrétti kynjanna ábótavant en ójafnréttið má rekja til rót-gróinnar menningar á svæðinu. Konur hafa verið háðar ákvörðunum eiginmanna sinna um flest í daglegu lífi. Þær hafa hins vegar séð um eldamennskuna, að sækja eldivið og vatn ásamt því að sjá um börnin.

Konurnar hafa ekki haft völd til að taka ákvarðanir um landnotkun, búfænað eða fjármál heimilisins. Þær hafa hvorki fengið tilboð um þjálfun eða fræðslu frá stjórnvöldum né heldur sæti við ákvarðanatökuborðið um sveitarstjórnarmál. Konur hafa heldur ekki haft aðgengi að fjármagni til að hefja eigin atvinnurekstur. Þetta valdaleysi kvennanna í fylkinu hefur haft neikvæð áhrif á heilsu og lífsafkomu kvennanna og fjölskyldna þeirra.

Stór þáttur í verkefni Hjalparstarfs kirkjunnar á svæðinu er að stuðla að auknu valdi og áhrifum kvenna með því að stofna sparnaðar- og lánaþópa. Konurnar fá fræðslu um það hvernig koma má auga á arðbærar viðskiptahugmyndir, hvar og hvenær er best að stunda mismunandi viðskipti og upplýsingar um sparnaðarleiðir og lánamöguleika. Konur sem hafa áhuga á að hefja atvinnurekstur fá tækifæri með því að vinna saman í hópum sem bera sameiginlega ábyrgð á verkefnum.

Konurnar fá örlán, hver og ein sem svarar um 22.000 krónum, til að hefja atvinnurekstur svo sem geitarækt, laukrækt og smáverslunarrekstur. Konurnar greiða lánin til baka og nota síðan tekjur af rekstrinum til þess að greiða kostnað við skólagöngu barna sinna og til þess að kaupa dagvöru, fatnað og nytjahluti fyrir heimilið. Tekjurnar nota konurnar líka til að kaupa vatn yfir versta þurrkatímann.

Til þess að ýta undir breytingar er fundað með skoðanaleiðtogum í fylkinu meðal annars um leiðir til að afnema þær skaðlegu venjur að limlesta kynfæri kvenna og gefa stúlkur barnungar í hjónaband.





Tækifæri til mannsæmandi lífs

Hjálparstarf kirkjunnar styður börn og ungmenni í Kampala, höfuðborg Úganda en þangað flykkist ungt og oftast ómenntað fólk úr sveitum landsins í von um betra líf. Margra þeirra bíður hins vegar að kúldrast í fátækrahverfum þar sem neyðin rekur þau til að taka þátt í glæpagengjum eða selja líkama sinn til að geta séð sér farborða. Börn og unglingar í höfuðborginni eru því útsett fyrir misnotkun af ýmsu tagi og eymdin leiðir til þess að þau verða auðveldlega fíkniefnum að bráð.

Markmiðið er að unga fólkið öðlist verkunnáttu sem það getur nýtt til að sjá sér farborða, að það taki þátt í uppbyggilegum tómstundum og námskeiðum sem styrkja sjálfsmyndina og að þau séu upplýst um kynheilbrigði og rétt sinn til heilbrigðisþjónustu.

Verkefnið er unnið í samstarfi við Lútherska heimssambandið og samtökin UYDEL (Ugandan Youth Development Link). Í smiðjum UYDEL geta ungmennin valið sér ýmis svið og öðlast nægilega hæfni til að verða gjaldgeng á vinnumarkaði svo sem við hárgreiðslu, matreiðslu, rafvirkjun, saumaskap og sápugetð.

Í smiðjum UYDEL er kennt fyrir hádegi en eftir hádegi er skipulagt frístundastarf í boði. Eitt af því sem unglingarnir geta lagt stund á er dans og trumbusláttur en í Kampala er vinsælt að ráða danshópa til að sýna hefðbundinn dans í veislum við ýmis tækifæri. Dansinn og tónlistina geta unglingarnir þannig nýtt sér til framfærslu.

Hjálparstarf kirkjunnar styður Sameinuðu indversku kirkjuna, United Christian Church of India eða UCCI, sem hefur í hartnær hálfa öld hjálpað fólki sem býr við fátækt með því að halda úti skólastarfi og heimavist ásamt matargjöfum og spítalarekstri í Andhra Pradesh-fylki í austurhluta Indlands. Hjálparstarf kirkjunnar kostar börn í skóla og heimavist ásamt því að senda stök framlög til viðhalds bygginga og til starfsemi spítalans.

Á Íslandi aðstoðar Hjálparstarf kirkjunnar barnafjölskyldur sem búa við fátækt með margvíslegum hætti svo börnin og unglingarnir geti tekið þátt í samfélaginu óháð efnahag.





Notendastýrð þjónusta

Hjálparstarf kirkjunnar veitir fólki í félagslegri neyð á Íslandi efnislega aðstoð í samvinnu við presta, djákna, félags- og námsráðgjafa um land allt. Aðstoðinni er ætlað að svara skyndilegri neyð enda er það skylda stjórnvalda að tryggja framfærslu fólks í félagslegum vanda þannig að það fái lífað mannsæmandi lífi til lengri tíma. Meginmarkmiðið er að grunnþörfum fólks sé mætt, að fjárhagslegir erfiðleikar ógni ekki heilsu fólks og takmarki ekki möguleika barna og unglunga til farsæls lífs.

Aðstoðin felst meðal annars í því að fólk fær inneignarkort í matvöruverslunum en mikil valdefling felst í því að fólk versli sjálft þær nauðsynjar sem það þarf í stað þess að bíða í röð eftir matarpoka sem aðrir hafa fyllt. Aðstoð er veitt þegar sýkingar eða veikindi kalla á óvænt útgjöld vegna lyfjakaupa og sjálfbóðaliðar aðstoða fólk sem kemur til Hjálparstarfsins eftir notuðum fatnaði.

Áhersla er lögð á starf í þágu barna og unglunga svo þau hafi sterka sjálfsmynd og séu virkir þátttakendur í samfélaginu. Börn og unglingar undir átján ára aldri sem búa við fátækt fá styrk til íþróttaiðkunar, tónlistarnáms og tómstundastarfs. Foreldrar grunnskólabarna fá aðstoð við að útbúa börnin í upphafi skólaárs og sjálfráða ungmenni fá stuðning svo þau geti stundað nám sem gefur þeim réttindi til starfs eða veitir þeim aðgang að lánshæfu námi.

Einstaklingsmiðuð nálgun og notendastýrð þjónusta eru lykilverkfæri félagsráðgjafa Hjálparstarfsins en auk þess að veita ráð og efnislega aðstoð benda félagsráðgjafarnir fólki á úrræði í samfélaginu sem kunna að gagnast því við að komast út úr erfiðum aðstæðum.

Hjálparstarfið hefur í síauknum mæli þróað verkefni í samvinnu með þeim sem til stofnunarinnar leita. Valdeflingarverkefni eru skipulögð með það að markmiði að þátttakendur öðlust aukna trú á elgin getu og geti styrkt tengslanet sitt en félagsleg einangrun getur verið fylgífiskur efnaleysis.





Farsæld fyrir alla

Hjálparstarf kirkjunnar hefur að markmiði að stuðla að aukinni almennri vitund um mannréttindi og mikilvægi félagslegs réttlætis fyrir almenna farsæld. Stofnunin tekur því þátt í málsvarastarfi innanlands og utan til þess að stuðla að staðbundinni og hnattrænni samstöðu um sjálfbæra þróun og jafnrétti.

Fólk á að geta lifað mannsæmandi lífi af vinnulaunum sínum og lífeyri. Hér á landi eiga 11% fullorðinna og 14% barna hins vegar á hættu að einangrast félagslega sökum efnaleysis og um fimm þúsund manns búa við sárafátækt. Nauðsyn baráttunnar fyrir félagslegu réttlæti á Íslandi er því sannarlega til staðar.


Félagsráðgjafar og notendur þjónustu Hjálparstarfsins taka þátt í fjölbreyttu samstarfi til að vinna bug á fátækt og félagslegri einangrun, stuðla að opinni umræðu og þrýsta á stjórnvöld um að taka árangursríkar ákvarðanir til að tryggja farsæld fyrir alla.

Hjálparstarfið á fulltrúa í Velferðarvaktinni sem er óháður greiningar- og álitsgjafi og leggur fram tillögur til stjórnvalda og hagsmunasamtaka um leiðir til að styðja við fólk sem býr við efnislegan skort á réttlátan hátt og til að tryggja rétt barna til lífsafkomu sem nægir þeim til að ná fullum þroska.

Evrópska tengslanetið European Anti Poverty Network er vettvangur fyrir fólk sem býr við fátækt og berst fyrir félagslegu réttlæti innan og milli samfélaga í álfunni. Félagsráðgjafi Hjálparstarfsins gegnir nú formennsku í Íslandsdeild EAPN en níu félagasamtök eru í tengslanetinu hér á landi.

Pepp Ísland, samtök fólks í fátækt, spruttu upp úr tengslanetinu og starfa á eigin forsendum. Samtökin standa að ýmsum viðburðum til að vekja máls á nauðsyn viðhorfsbreytingar í garð þeirra sem búa við fátækt og á því hvar ábyrgð á félagslega fyrirbærinu fátækt liggur.

Tekjur námu 310,4 milljónum króna



Fjármál


Tekjur

Tekjur Hjálparstarfs kirkjunnar frá 1. júlí 2017 til 30. júní 2018 námu 310,4 milljónum króna. Fjórar hefðbundnar fjáröflunarleiðir voru farnar á starfsárinu: Haustsöfnun í ágúst og september, söfnun með aðstoð barna í fermingarfræðslu í nóvember og jóla- og páskasöfnun. Á starfsárinu lauk einnig landssöfnun til aðstoðar Grænlandingum í samstarfi við KALAK vinafélags Grænlands og fleiri vegna hamfara á vesturströnd landsins í júní 2017. Regluleg styrktarframlög frá einstaklingum, prestum og sóknum þjóðkirkjunnar, keyptar styrktarlínur í fréttablaði Hjálparstarfs kirkjunnar, Margt smátt..., kertasala, sala minningarkorta og gjafabréfa af vefsíðunni gjöfsemgefur.is renndu einnig styrkum stoðum undir starfið. Þá naut Hjálparstarf kirkjunnar stuðnings stjórnvalda við verkefni á sviði þróunarsamvinnu og mannúðaraðstoðar erlendis sem og við neyðar- aðstoð og valdeflingarverkefni innanlands.


Útgjöld

Hjálparstarf kirkjunnar varði 311,6 milljónum króna til verkefna og reksturs á starfsárinu. Stofnunin varði alls 63,2 milljónum króna til verkefna í þróunarsamvinnu og 52,9 milljónum króna til mannúðaraðstoðar. Til aðstoðar Grænlandingum runnu 39,6 milljónir króna í sjálfstæðan velferðarsjóð *Vinátta í verki*. Til verkefna innanlands varði Hjálparstarfið 75,9 milljónum króna og til fræðslustarfs 11,2 milljónum króna.

242,8 milljónum króna varið til verkefna



Ráðstöfun til verkefna og kostnaður nam 311,6 milljónum króna







actalliance

English Summary

Better and more sustainable future for all

Icelandic Church Aid, founded in 1970, initiates and coordinates emergency assistance and empowerment projects on behalf of the National Church of Iceland. ICA has seven staff members, is governed by a council of representatives that meets twice a year and an executive board of five members.

ICA follows the Sustainable Development Agenda of the United Nations to end poverty, protect the planet and ensure that all people enjoy peace and prosperity by 2030. ICA runs projects at home and funds projects abroad, bilaterally and through its membership of the Lutheran World Federation Development for World Service, LWF/DWS, and Action by Churches Together, ACT Alliance.

Lutheran World Federation, LWF, is an alliance of 148 churches in 99 countries, representing over 75,5 million people. LWF/DWS currently runs country programs and emergency operations in 25 countries in Africa, Asia including the Middle East, and Latin America and the Caribbean, to assist over 2.7 million people in challenging humanitarian contexts. Through LWF/DWS, ICA has access to expertise in specialized fields and directs funds to assist the poorest of the poor in its development cooperation and humanitarian assistance. All work is done in close partnership with organisations and people at the grassroots' level.

ACT Alliance is a coalition of 146 churches and faith-based organisations working together in over 100 countries to create positive and sustainable change in the lives of poor and marginalized people regardless of their religion, political views, gender, sexual orientation, race or nationality and in keeping with the highest international codes and standards. ACT Alliance coordinates emergency assistance on behalf of LWF and the World Council of Churches, as well as long-term development cooperation and strong advocacy projects. It is supported by 25,000 staff and mobilises about 1.5 million USD for its work each year.

In Iceland, ICA assists people in need in cooperation with pastors and municipality social workers countrywide. Families living below the poverty threshold are

provided with material assistance through gift cards in food and clothing stores, payment of medical bills in an emergency, second-hand clothing, payment of extracurricular activity fee for children etc. Three ICA social workers offer counselling and organise various training courses and projects in cooperation with the participants leading to their empowerment and social inclusion.

Humanitarian assistance

In July 2017, ICA assisted the chess club Hrokurinn in a fundraising campaign to help the inhabitants of Nuugaatsiaq, on the Western coast of Greenland cope with the effects of a huge tsunami causing casualties and serious damage to the infrastructure of the settlement.

In February 2018, ICA supported with funds the ACT Alliance appeal SYR181 to reduce the vulnerability and alleviate the suffering of people who are affected by the Syrian conflict. To address the protracted nature of the crisis and to avoid a further deterioration of the humanitarian situation, a holistic and well-coordinated humanitarian response was designed. That implies not only meeting the physical needs, but also addressing the psychosocial and social needs of internally displaced Syrians, Syrian refugees, as well vulnerable host community populations. This current response is a continuation of previous humanitarian response and is a joint, multi-faceted programme that is primarily self-implemented by ACT Alliance members and in some cases through local partners in Jordan, Syria and Lebanon. The humanitarian response maintains a strong focus to support the most vulnerable communities and protect the rights of all and addresses the protection and assistance needs of refugees living in camps, in non-formal settlements and within and among local communities in all sectors, as well as the most vulnerable members of impacted communities.

In June 2018, ICA responded to the ACT Alliance appeal ETH181 to save lives and mitigate the effects of a dire drought combined with an ethno-political conflict in Oromia and Somali Regional States of Ethiopia. The drought was an extension of last year's (2017) drought which severely affected pastoral lowlands in the two regional states. The humanitarian response prioritises the needs





of female headed households, children and infants, pregnant or lactating mothers, the disabled, elderly and people living with HIV/AIDS to be met. The objective is to ensure improved access to water and food through improved hygiene and sanitation facilities among drought affected and internally displaced populations, improved animal health and access to seeds and small animals for early recovery, the protection of assets and livelihoods of drought-affected communities, improved access to clothing, household utensils and farm tools as well as improved access to psychological support.

Ensuring access to water and food security

Water is scarce in ICA's intervention areas in Ethiopia and Uganda. One of the main objectives of our development cooperation projects is to ensure access to water through the construction of water tanks, shallow wells and cisterns. Beneficiaries form water committees and receive training for the maintenance of wells and their surroundings. Latrines are constructed, and hygiene and sanitation practises are taught for personal needs and the cleanliness of the home and its surroundings.

With more water accessible, irrigation sustains diverse new crops used to supplement main crops and improve soil. Tools are supplied as well as training in processing and storing of harvests, food and water. Para vets receive training in care of animal husbandry which in turn increases general productivity where low productivity and diseases have been a constraint on farming. A water source within easy reach also saves time. More girls go to school, mothers have more time for childrearing, food production and economic activities.

Environmental protection is integrated into water and livelihood schemes; teaching, training and tools work together to conserve soil along with new species for food and fodder, inter-cropping, manure as fertilizers, tree nurseries, water harvesting and hygiene.

In our projects, government agents, traditional leaders and beneficiaries all receive training on local and international law on conservation, responsible and equitable use of natural resources, along with disaster preparedness linked to

drought and floods. Bringing them together links duty bearers and rights holders, increases understanding, explains shortcomings and smoothens cooperation. People understand how water, soil and trees, crops and refuse are all linked together. They understand how a different approach in one area leads to more success in another.

Empowering women benefits all

ICA development cooperation projects beneficiaries live in absolute poverty in the harshest environments. Not because it is their choice, it is all they can afford. To develop their skills to fight for their own rights, ICA's work is becoming more and more rights based. Beneficiaries participate fully in projects, learning not only new methods and thus improving their daily lives, but more importantly also about their rights and how to claim them.

Women in our intervention areas in Ethiopia have no access to and control over productive resources (especially land and livestock). Women are also excluded from extension and training services provided by local institutions. Furthermore, women are excluded from the decision-making processes at community level. The effect on rural poverty and poor health conditions is aggravated by these deep rooted traditional, social and cultural practices which biases against women.

Through participation in ICA's development cooperation projects, people, especially women, learn to assess their situation, put their ideas into words and claim their place at the decision-making table. Extensive work is done with traditional and religious leaders, government agents and institutions to influence behaviour change and recognize the various aspects of poverty and how funds and services can be channelled to reduce it.

Shelter and education for a chance at life

In the Ugandan districts of Lyantonde and Rakai, where orphaned children struggle with adult responsibilities, taking care of younger siblings as head of household, ICA continues its support to counter the effects of HIV/AIDS and provides affected families with housing, household items, beddings, mosquito nets, goats, poultry and more.





In Kampala, the capital city of Uganda, ICA supports the work of Uganda Youth Development Link, UYDEL, with vulnerable youth in urban slums. Huge unemployment and related income poverty problems make young people very vulnerable to abuse and exploitation. UYDEL offers skills training in youth centres enabling them to find a means of livelihood.

In India, ICA continues its support towards children and youth and provides support for primary, secondary and even university studies.

Emergency assistance, empowerment and advocacy at home

Since its foundation in 1970, ICA has assisted people in need in Iceland. People who seek our assistance first meet with our social workers who identify their specific needs. According to the application process, each applicant is requested to produce documents providing information regarding his or her income and expenditure for basic needs to be met. Should the income be less than dictated by the authorities to be a minimum amount to support a family, the applicant will receive assistance in the form of a gift card in food stores, second hand clothing, payment of drug and medical costs and more.


Special emphasis is on responding to the needs of children and assistance is available to youth, who are financially not able to support themselves during secondary studies. ICA's assistance aims at helping them graduate and be able to enter University level studies or graduate with certificates that make them more competitive on the job market.

ICA's Social Workers work with people in need, responding to individual cases in an appropriate manner. Various counselling, free of charge, is offered as well as self-help courses and activities aiming for social inclusion of the participants.


Information collected through individual interviews, enables ICA social workers to lobby for support measures from government and municipalities. ICA social workers participate in public committees promoting civil rights and pointing out various problems ICA beneficiaries face. Together with other NGOs and beneficiaries, ICA works on different levels at encouraging the law maker and the public to strive for social justice and equality.




Total Income 310,4 million ISK



Expenditure for Projects 242,8 million ISK



Total Expenditure 311,6 million ISK



Hjálparstarf kirkjunnar

- hjálparstarfið þitt

Stuðningur stjórnvalda og almennings á Íslandi gerir Hjálparstarfi kirkjunnar kleift að starfrækja öflugt mannúðar- og hjálparstarf hér heima og í fátækustu samfélögum heims.

Á starfsárinu:

- naut Hjálparstarfið reglulegra styrkja frá **Hjálparliðum**, prestum og sóknum þjóðkirkjunnar og með erfðagjöfum sem stuðningi við góðgerðarmál.
- gengu börn í fermingarfræðslu í hús með söfnunarbauka Hjálparstarfsins og söfnuðu fé til vatnsverkefna í Afríku
- svaraði almenningur kalli í **söfnunum um jól og páska** þegar safnað var fyrir verkefnum í Epiópíu og Úganda og í ágúst þegar safnað var fyrir aðstoð við barnafjölskyldur á Íslandi í upphafi skólaárs undir slagorðinu **Ekkert barn útundan**.
- treystu stjórnvöld Hjálparstarfinu fyrir opinberum framlögum til mannúðaraðstoðar og þróunarsamvinnuverkefna sem og til aðstoðar innanlands.
- studdu fyrirtæki, stofnanir og samtök starfið með beinum styrkjum sem og með birtingu **styrktarlína og auglýsinga** í fréttablaði Hjálparstarfsins Margt smátt... sem kom út fjórum sinnum á starfsárinu.
- keyptu syrgjendur **minningarkort** Hjálparstarfsins og styrktu þannig starfið.
- keypti fólk útikertin **Friðarljós** til að tendra á aðventu og um hátíðirnar.
- keyptu fjölmargir tækifærissgjafir á gjafabréfasíðu Hjálparstarfsins **gjofsemgefur.is**. Gjafirnar sem þar fást eru táknrænar og endurspegla starfið. Fólkid sem fær þau að gjöf fær tækifæri til að hjálpa náunga sínum til sjálfshjálpar og það er dýrmaet gjöf.

Við stefnum ótrauð að Heimsmarkmiðum Sameinuðu þjóðanna um farsæld, frið og öryggi í heiminum fyrir árið 2030. Takk fyrir dýrmætan stuðning!

Stjórn og starfsfólk

Hjálparstarfs kirkjunnar 2017-2018:

Framkvæmdastjórn:

Gunnar Sigurðsson, formaður

Páll Kr. Pálsson

Salóme Huld Garðarsdóttir

Varamenn:

Hörður Jóhannesson

Vigdís Valgerður Pálsdóttir

Starfsfólk:

Bjarni Gíslason, framkvæmdastjóri

Atli Geir Hafliðason, umsjón með bókunum, starfi sjálfboðaliða, fatlager o.fl.

Áslaug Arndal, umsjón með skrifstofu, verkefni í þágu barna á Indlandi o.fl.

Helena Gunnarsdóttir, félagsráðgjafi í innanlandsstarfi

Kristín Ólafsdóttir, umsjón með fræðslu og fjáröflun

Sædís Arnardóttir, félagsráðgjafi í innanlandsstarfi

Vilborg Oddsdóttir, félagsráðgjafi og umsjónarmaður innanlandsstarfs

Heimilisfang:

Háaleitisbraut 66, 103 Reykjavík

Sími: 528 4400

Vefsíða: help.is

Facebooksíða: [@hjalparstarf.kirkjunnar](https://www.facebook.com/hjalparstarf.kirkjunnar)

Instagram: [@hjalparstarfid](https://www.instagram.com/hjalparstarfid)

Ljósmyndir: Þorkell Þorkelsson, nema bls 4 @ACT/IOCC,

bls. 21 @ACT/Paul Jeffrey og bls. 15, 16, 24 og 25:

Kristín Ólafsdóttir.

Hönnun: Margrét E. Laxness

Prentun: Guðjón Ó – vistvæn prentsmiðja





Heimasíða: www.help.is

Facebooksíða: [@hjalparstarf.kirkjunnar](https://www.facebook.com/hjalparstarf.kirkjunnar)

Instagram: [@hjalparstarfid](https://www.instagram.com/hjalparstarfid)

Gjafabréf: www.gjofsemgefur.is

Framlög: www.framlag.is

Ungliðahreyfing: www.changemaker.is



THE
LUTHERAN
WORLD
FEDERATION

actalliance